

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

5. Ejusdem noctua.

[urn:nbn:de:hbz:466:1-68709](#)

bus doctiores evadere queant; ita militarem artem profitentibus vigilans oculus circumferendus, nequa improvitus hostis ingruat.

V. (e) Noctua quoque in galea, vel ad pedes deae Minervae adstituitur: haec enim volucris in tenebris quoque perspicax est; id quod Sapientiae Symbolum est, ea perspicientis, ad quae caligant indocti. Et Dux belli qualem struet aciem, mentis ipse destitutus acie? Sapiens propicit tempore pacis, quae eam turbare vel conservare possint. Quod si bellum oriatur, adhibet prudenter arma, quibus vim externam arceat, & invasorem profigit. Agesilaus Atheniensium Princeps interrogatus, quid Ducem belli praecipue exornaret, respondit: Adversus hostes audacia, & in oblata opportunitate ratio ac consilium. *Stobaeus.*

VI. (f) Pallas feroci vultu, trucique fuit obtutus; Sapiens non accersit commendationem à forma, sed à mente. Perseus, quod diximus Symbol. 24. capite Gorgoneo (quod deinde Minervae clypeo insertum est) adversarios in saxa mutavit. Imaginem agnosce viri sive litteris, sive armis incliti: alter disputando, alter bellando hostibus est terrori, eosque veluti in saxa convertit, dum stupore attonitos repellit & dejicit. De vultuosa torvitate elegans recentior Poëta encomium scripsit; pauculos versus accipe:

Jámine vides igitur, quid stoicus horror in ore
Possit, & extantes vivo de subere rugæ.
Spectandæ facies, sicut simulacra Deorum,
Quas in adoranda rubigine sacula passas
Obsita pulveribus, secretæ noctis in antro
Suspicit, informes statuas, impensiùs hospes
Cernuus. *Iac. Balde.*

Et quia Pallas armata etiam militem repræsentat, quis non intelligit, ferociorem aspectum ad Martiales vultus pertinere. Terribilem in hostes deam hanc Horatius exprimit:

Jam galeam Pallas, & ægida,
Currusque, & rabiem parat.

Idem Poëta reprehendit in virginem *vultum nimium lubricum affici.*
Quid ni igitur Pallas virginitatis amantissima severitatem ore præferat?
haec enim in fronte, tanquam in vestibulo, excubans, tacendo loquitur,
pudicitiam esse domi.

VII. (g) De Clypeo Minervæ à Cyclopibus elaborato Virgilius
8. Æneid.

Y y y 3 *Ægi-*

(e) *Noctua Minerva dicata.* (f) *Minerva feroci vultu.* (g) *Minerva clypeum.*